



**CYNGOR BWRDEISTREF SIROL**  
**RHONDDA CYNON TAF**  
**COUNTY BOROUGH COUNCIL**

**GWŶS I GYFARFOD PWYLLGOR**

C Hanagan  
Cyfarwyddwr Gwasanaeth y Gwasanaethau Democrataidd a Chyfathrebu  
Cyngor Bwrdeistref Sirol Rhondda Cynon Taf  
Y Pafiliynau Parc Hen Lofa'r Cambrian  
Cwm Clydach, CF40 2XX

Dolen gyswllt: Emma Wilkins - (01443 424110)

**DYMA WŶS I CHI** i gyfarfod o **GYNGOR BWRDEISTREF SIROL RHONDDA CYNON TAF** sydd i'w gynnal yn **Siambur y Cyngor, Y Pafiliynau, Parc Hen Lofa'r Cambrian, Cwm Clydach, Tonypany, CF40 2XX** ar **DYDD MERCHER, 19EG MEHEFIN, 2019** am **5.00 PM**.

**AGENDA**

**Tudalennau**

**1. DATGAN BUDDIANT**

Derbyn datganiadau o fuddiannau personol gan Aelodau, yn unol â gofynion Cod Ymddygiad y Cyngor.

1. Mae gofyn i Aelodau ddatgan rhif a phwnc yr agenda y mae eu buddiant yn ymwneud ag e a mynegi natur y buddiant personol hwnnw; a
2. Lle bo Aelodau'n ymneilltuo o'r cyfarfod o ganlyniad i ddatgelu buddiant personol sy'n rhagfarnu, **rhaid** iddyn nhw roi gwybod i'r Cadeirydd pan fyddan nhw'n gadael

**2. CYHOEDDIADAU**

**3. COFNODION**

Cadarnhau cofnodion o gyfarfod y Cyngor, a gynhaliwyd ar 10 Ebrill 2019, a chofnodion y Cyfarfod Cyffredinol Blynyddol a gynhaliwyd ar 15 Mai 2019, yn rhai cywir.

**5 - 32**

**LLYWODRAETHU AGORED**

**4. DATGANIADAU**

Yn unol â Rheol 2 o Weithdrefn Llywodraethu Agored Cyfarfodydd y Cyngor, derbyn datganiadau gan Arweinydd y Cyngor a/neu

Gynghorwyr sy'n Aelodau Portffolio o'r Cabinet:

**5. CWESTIYNAU GAN Y CYNGHORWYR**

Derbyn cwestiynau'r Aelodau yn unol â Rheol 9.2 o Weithdrefn y Cyngor.

(**Nodwch:** Caniateir hyd at 20 munud ar gyfer cwestiynau.)

**33 - 38**

**6. BWRDD IECHYD PRIFYSGOL CWM TAF MORGANNWG.**

Ar gais y Cyngor, derbyn Cadeirydd a Phrif Weithredwr Bwrdd Iechyd Prifysgol Cwm Taf Morgannwg.

**ADRODDIADAU'R SWYDDOGION**

**7. CYDBWYSEDD GWLEIDYDDOL Y CYNGOR, PENODI CADEIRYDDION Y PWYLLGORAU CRAFFU A PHWYLLGOR Y GWASANAETHAU DEMOCRATAIDD, A DYRANNU RHYBUDDION O GYNNIG**

Trafod adroddiad ar y cyd Cyfarwyddwr y Gwasanaethau Cyfreithiol a'r Cyfarwyddwr Gwasanaeth – Gwasanaethau Democrataidd a Chyfathrebu.

**39 - 46**

**8. RHAGLEN WAITH Y CYNGOR 2019 - 2020**

Derbyn adroddiad y Cyfarwyddwr Gwasanaeth – Gwasanaethau Democrataidd a Chyfathrebu.

**47 - 62**

**9. RHYBUDD O GYNNIG**

**A.** Trafod Rhybudd o Gynnig sydd wedi'i gyflwyno yn enwau Cynghorwyr y Fwrdeistref Sirol M Webber, P Jarman, M Powell, K. Libby-Jones, J.James, L.M. Adams, S Belzak, D.R. Bevan, H. Boggis, J. Bonetto, S. Bradwick, J. Brencher, A. Calvert, G Caple, A. Chapman, A. Cox, J.Davies, A. Crimmings, J. Cullwick, G.R. Davies, A. Davies-Jones, L. De Vet, M Diamond, J. Elliott, S. Evans, S.M. Evans, M Fidler Jones, M Forey, A. Fox, H.Fychan E. George, D. Grehan, M. Griffiths, J. Harries, G. Holmes, G. Hopkins, P Howe, G Hughes, G. Jones, L. Jones, W Jones, L Hooper, R. Lewis, W. Lewis, C. Leyshon, D. Macey, A. Morgan, S. Morgans, M.A. Norris, W Owen, D. Owen-Jones, S. Pickering, S.M. Powell, S. Rees, S. Rees Owen, A. Roberts, J. Rosser, G. Smith, G. Stacey, E. Stephens, M. Tegg, G. Thomas, W. Treeby, R.K. Turner, L Walker, M. Weaver E. Webster, D.H. Williams, J. Williams, T. Williams, C.J. Willis ac R. Yeo :-

Yn dilyn yr adroddiad gan Goleg Brenhinol yr Obstetryddion a Gynecolegwyr, sy'n amlygu'r methiannau difrifol ym Mwrdd Iechyd Cwm Taf o ran darparu gwasanaethau mamolaeth diogel, yn ogystal â methiant y rheolwyr i uwchgyfeirio'r pryderon difrifol yma, mae'r Cyngor yma'n cefnogi Arweinydd y Cyngor mewn pleidlais o ddiffyg hyder yn Rheolwyr y Bwrdd Iechyd.

Cafodd y methiannau yma eu nodi yn yr Adroddiad Profiadau Cleifion, sy'n tynnu sylw at brofiadau gofidus ac annerbyniol rhai o'r teuluoedd a gafodd eu heffeithio gan y methiannau yn y gwasanaethau mamolaeth.

Fel mae'r adroddiad yn nodi, mae hi'n amlwg bod y methiannau yma wedi parhau i ddigwydd oherwydd diffyg sylfaenol o ran arweiniad a champau gweithredu ar lefelau uchaf y Bwrdd Iechyd, yn ogystal ag addewidion ffug a gafodd eu gwneud i Aelodau'r Bwrdd a gwleidyddion lleol mewn perthynas â difrifoldeb y problemau. Nododd yr ymatebion yn yr Arolwg o Wasanaethau Mamolaeth Cwm Taf fod staff yr ysbytai wedi rhoi gwybod am eu pryderon drosodd a throsodd am beth amser. Serch hynny, doedden nhw ddim o'r farn bod modd iddyn nhw ddylanwadu ar unrhyw newidiadau gan nad oedd yr uwch reolwyr yn gwrando ar eu pryderon.

Mae'r negeseuon anghyson yma yn golygu bod partneriaid lleol allweddol wedi cael gwybodaeth gamarweiniol. Yn bwysicach fyth, mae hyn wedi cael effaith ddifrifol ar hyder unigolion yng ngallu uwch reolwyr y Bwrdd Iechyd i ymateb i bryderon y teuluoedd hynny a gafodd eu heffeithio gan y methiannau.

Yn absenoldeb penderfyniad gan y Gweinidog Iechyd a'r Bwrdd Iechyd ynglŷn â diswyddo Prif Weithredwr Bwrdd Iechyd Cwm Taf Morgannwg, mae'r Cyngor yma'n penderfynu:

- Cefnogi Arweinydd y Cyngor wrth iddo alw ar Brif Weithredwr Cwm Taf Morgannwg i ystyried ei sefyllfa.
- Galw ar y Bwrdd Iechyd i ystyried ei ddewisiadau'n ofalus wrth fynd i'r afael â'r pryderon difrifol yma cyn gynted ag y bo modd ac adfer hyder y cyhoedd mewn Gwasanaethau Iechyd Lleol.

\*\*\*

- B.** Trafod Rhybudd o Gynnig sydd wedi'i gyflwyno yn enwau Cynghorwyr y Fwrdeistref Sirol P.Jarman, H.Fychan, G.R.Davies, D.Grehan, J.Williams, A. Cox, J.Davies, J.Cullwick, K.Morgan, S.Rees Owen, M. Weaver A.Chapman, S.M. Evans, E.Webster, L. Jones, E.Stephens a D. Macey.

Yn dilyn adroddiadau diweddar o broblemau a allai atal ein holl drigolion rhag mwynhau canol ein trefi yn heddychlun, a hynny ar lefel uwch nag erioed o'r blaen, mae'r Cyngor yma yn ymrwymo i

hwyluso Cynhadledd Dinasyddion Ifainc brys yn y Sir.

Caiff y gynhadledd ei harwain gan bobl ifainc y sir a bydd y materion a gaiff eu trafod yn bethau sy'n flaenoriaethau yn eu barn nhw.

At y diben yma, caiff Cyngorau Ysgolion a Fforwm Ieuenctid Rhondda Cynon Taf eu gwahodd i arwain y gwaith o benderfynu ar y blaenoriaethau allweddol a fydd yn cael eu trafod ar lefel leol, gyda chynrychiolwyr o Ganolfan Wirfoddolwyr Ifainc Heddlu De Cymru'n gwneud hynny ar gyfer y sir.

Er mwyn ceisio dylanwadu ar y rheiny sy'n gwneud penderfyniadau ar lefel genedlaethol, bydd y Cyngor yn gwahodd y rheiny sy'n cynrychioli'r sir yn Senedd Ieuenctid Cymru i gymryd rhan a chefnogi unrhyw gynlluniau. Mae angen i bawb ymgysylltu â'n trigolion ifainc a deall eu blaenoriaethau, yn ogystal â diwallu eu hanghenion er mwyn sicrhau cymdeithas sy'n fwy heddychlon, cynhyrchiol a llewyrchus. Yr unig ffordd o wneud hyn yw galluogi ein pobl ifainc i lunio'r agenda fel bod eu blaenoriaethau'n llywio ein dyheadau.

\*\*\*

## **10. MATERION BRYS**

Trafod unrhyw faterion sydd, yn ôl doethineb y Cadeirydd, yn faterion brys yng ngoleuni amgylchiadau arbennig.

### **Cyfarwyddwr Gwasanaeth y Gwasanaethau Democrataidd a Chyfathrebu**

**At: Pob Aelod o'r Cyngor**